

穆

堂

別

稿

穆堂別稿卷之四

臨川李紱 丘來圖

詩三

補編草一

丁丑至壬午

春風草補編四十六首

早發

張蓋過東村微陽始一痕  
霜留麋徑寂風動鵲林喧  
靜覽皆生意冥思接夢根  
世塵看漸起稚子出柴門

晚春登武嶺

武嶺氣雄大我里之鎮  
山相望共朝夕煙嵐怡我顏  
朝

罪既縹緲夕翠仍嶮岼茲辰春意好草樹亦已蕃萬綠  
攢楓松千紅明杜鵑尋芳更後時春事母乃闌羣季咸  
贊行陟嶽凌其巔振衣一俯眎百里村墟環各巒周其  
外勢與青穹連自非所據高心胸安得寬心固不着境  
境豁心不偏騶孟論王子其居實使然

清時士氣舒化日多熙妍相期琴書餘斯遊恒勿愆

### 東風

山靜東風日夜聞落花辭樹各紛紛無端吹動垂楊影  
飛入空階一陣雲

### 雨後湖塘閒眺

荒湖昨夜過新雨  
鵲鵲滿洲渚  
柳絲牽地帶煙垂  
柳絮漫天逐風舞  
山居風物良復佳  
山人卽事相矜誇  
不知京雒有塵土  
祇知世外多煙霞  
小立移時忘日暮  
夕照當眉未歸去  
快哉新雨得新晴  
更有黃鸝四五聲  
宜山樓晨眺

山色千家共茲樓  
乃最宜檐飛嵐氣  
逼胸豁曉雲遲

白鹿泉

在臨川縣學傍

少室山人初隱居  
匡山嘗讀種樹書  
地靈人傑物亦異  
乃有白鹿隨清娛  
豈知天鹿啟文運  
後來講學繁生徒  
有宋天下書院四  
首推白鹿爲楷模  
象山紫陽昔聚講

如此主客千古無臨川自昔盛文學晏王曾陸皆魁殊  
白鹿跑泉廢寺左文源不絕如石渠厥靈自屬遷學識  
俗傳康樂繙經符魯公作記語鑿鑿城南四里傳古墟  
地之相去旣已遠鹿泉靈應焉可誣春風桃李正花發  
鮮英灼灼官牆隅日長文戰忒游衍汲泉淪茗忘辛劬  
曾有白鹿出林際斑龍變化騰天衢

讀危太樸雲林集

唐宋爲古文大家纔七人南渡遂淒蘗得貌追厥神有  
元運隆盛大文興崇仁吳虞攷先鞭斯文絕復新後勁  
得雲林如國風有幽宋王拜下風國史功不湮偶然履

橐橐上嫌稱老臣御史乃希旨元故臣宜摺和州看余  
廟于事猶輕塵論者不復察集矢何斷斷豈知公出處  
大節光霄旻言事旣激烈邪閉善則陳倉卒起田間辭  
錄已五春投井義不屈存史情亦真與朝訪故老四國  
響然臻聊因國史出風志將一伸區區圭組榮浮雲謝  
天民青田亦仕元佐命持衡釣松雪亦承旨實宋天潢  
親不知持論者比此何等倫掩卷三歎息流俗多頑嚚

中秋夜撥愁三十首

有序

丁丑中秋友人盡去栖栖琇水引月爲朋空山之  
秋有聲莽關落葉旅館之更易寂兀也無人月明

則千里相同風景則寸心各異高堂垂白猶虛列  
鼎之甘伏檻飛黃尙困鹽車之駕青氍毹亦已敝矣  
白石其可煮乎且中秋之勝自古爲然豈無絲竹  
箏絃張晏於幕府亦有樓船簫鼓觀潮于曲江以  
樂以悲或同或異固未嘗齊蘿薜于簪纓叩紛華  
于圓寂也以余聞道未深感物而動時荏苒而易  
失心磊砢而不平亦安能開獨寐之懷免不知之  
詬哉坐月五更得詩三十不辭刻鵠之譏一當聞  
雞之舞云爾

一東

與誰看夜月祇自聽秋風  
擲杖人何處銜杯客未同  
蕉陰連屋白燈影入山紅  
搖落已如此流光逐轉蓬

二冬

秋風悲堪賦爭傳令節逢  
夜游矜竹柏朝涉競芙蓉  
虛憶霓裳奏難登天柱峯  
蘭臺最感慨外史得從容

三江

秋乃爲愁種催愁到北牖  
西風分恰半孤月待誰雙  
酒陣空成列愁城未受降  
欲憑楓葉去拚擋與吳江

四支

熱氣向秋罷心清識此時  
杜蘭誠自愛薜荔久無期  
客



露到人早孤螢渡水遲廣寒應更寂明月耿秋思

五徵

况有懷人夢瀟湘舟未歸一天連晚水兩地各秋衣夜影風移動秋光山合圍遙知衡嶽路鴻雁不能飛

六魚

百里薌溪夜還應似此歎多愁長乃爾有夢竟何如霜憶絲絲白雲看片片虛板輿潘騎省何日賦閒居

七虞

有弟天涯別無家誦破樗窮途皆阮籍岐路亦陽朱春遠荆花黯秋寒桂埤孤飄零哀羽翼多露慎霜濡

八齊

家遠吾能到天高孰與梯牛衣寒自對蝸室去應迷  
爾伯通客懷哉孺仲妻庭前有落葉未必止兒啼

九佳

茅屋秋雲白荒廚往往齋病歎何至此生也實無涯  
桑戶雨難出許瓢塵易埋商音還振履一爲破愁懷

十灰

衣馬知誰壯輕肥意可哀蘭英聊可佩菱服未須裁  
飛雁負霜到躍魚驚浪回先期戒紙帳清夜畫爐灰

十一真

皇皇二十春書劍信風塵節物隨時舊窮愁逐日新風  
吹山夢醒露洗月光勻未必逢仙子青天騎赤鱗

十二文

坐深忽欲暗霄漢生微雲白石豈藏玉青山不葬文已  
無裘作客尙有劍從軍卽擬吹簫去秋江追伍員

十三元

生世逢

熙運文章豈不尊未能收國士疑欲老王孫露重月無色  
雲輕天有痕晚風吹桂棹爲我動花魂

十四寒

寂寞腸空熱蕭條氣未寒南冠猶故國西笑失長安二  
病漫疑柳五窮休送韓清蟬思渴露林木畏秋乾

十五刪

開戶看松檜一園秋色閒  
斲與月俱出仍隨雲並還  
梧葉寒辭樹鐘聲遠到山  
應無夜半客何必上柴關

一先

百感來中夜孤生困盛年  
絡絲新宛轉紈扇舊因緣  
燈向他山暗月非令夕圓  
種蘿成底事吾欲補蒼煙

二蕭

酒闌終不寐孤坐亦云聊  
遣夢毋相近聽秋尙不遙  
平

塘波黯黯乾樹葉蕭蕭猶有寒蛩厚時來話寂寥

三肴

北里歌傳值南樓酒酌匏下帷誠自苦投閣竟誰嘲人  
瘦將同杜詩寒自擬郊聞鷄還起舞連屋正膠膠

四豪

繁星各已動孤月不能高獨抱休文病難離屈子騷雁  
聲橫遠浦木葉帶寒臯誰解傷心節西風媿縕袍

五歌

不盡蒼涼意長歌復短歌看天星緯壯繞地月明多選  
石夜磨劍倚牀秋枕戈年年思

望王終不負煙蘿

六麻

月暗眾山隱江煙薄走沙流螢穿樹暗飛雁入天斜  
國秋無市蜂巢夜有衙眾聲誰最怒或是後棲鴉

七陽

空明橫瑟瑟遠氣鬱蒼蒼雲木相吞吐星沙接渺茫  
花無限白蘆葉不勝黃莫訝沈昭畧常年爽且狂

八庚

常怪王丞相周旋過一生豈如陶栗里恬澹無多營  
風亂鴉何夢月明雁有更微生猶感激羣動急秋征

九青

薄酒豈能醉多愁未敢醒世塵殊莽莽天路亦冥冥  
帝暫相警紫姑多不靈騎懷看慘淡風急四山青

十蒸

幾欲棄明月此心終未能風吹微影亂猶足勝孤燈叢  
菊看如睡空山喚欲磨夜長終有旦坐待朝陽昇

十二尤

髣髴矜三樂裒裒鎮百憂飛光奔日御速化感靈修開  
眼不成夢聞聲多是秋幾人風燭暗尙可索曹劉

十二侵

苦樂固相倚青天自有心黃楊年恰閏修竹歲成陰指  
月爲愁的疏泉作怨琴安知不得志重坐舊山林

十三覃

曲斗低垂北直河橫入南數更初得五對影不成三雲  
墮地深黑月沉天正藍歌聲竟此夕誰復是何哉

十四鹽

漏斷絺衣薄秋風更覺嚴草煙出冉冉花露上纖纖水  
氣盡升竹山痕虛到簷虹霓如可繫吾欲釣冰蟾

十五咸

東方忽已白紅影照雲巖雁字散猶寫蕉書開不緘青



天山曉露綠雨待春衫慷慨桓都督歌聲自不凡

卽事

人情極則反物理積斯通自非積之極安知天地功寒  
雨淡旬過羣陰亦已免臥聞集霰聲碌碌走虛空晨起  
逼寒光亂雪如鶩絨豈謂不能雪猶與雨相同瓦背立  
無力檐牙流更雄覽億究所以其陰或未窮庶幾大霜  
雪凍得日痕紅

芙蓉

露濕紅衣見淚痕阿誰種爾向荒園風前起舞正無賴  
月裏行歌空有魂薄命誤依秋作主苦心低向雨承恩

錦城宮殿誰消受  
花蕊淒涼念至尊

相見行三首戲贈友人

相見恍然夢寧知身在茲  
歸來百千憶顛倒生延疑遙  
遙或一得明明轉覺非  
口固不能言心亦不能思  
白雲發天際縹緲蛟龍姿  
想其所以然君亦不能知

親見支磯石依然隔河漢  
霜露夜作聲繁星各已亂  
遣心往迹之路行不能斷  
隨意行空中大水白濛濛  
回身歸山齋寒燈陰不紅  
春小東風瘦抱衾不能厚  
蕭條更漏殘明月耿相照

閒心何所繫悵悵不能休  
無端四出馳飄如春江舟豈

能溯桃花僅能動春愁夢攜天風笛一吹廣寒遊歡然  
揖素娥桂露風颼颼少焉縱所往騎雲過十洲遙見三  
神山點點如萍浮道逢許飛瓊青鸞變紫虬意欲從之  
往海尾接天頭作詩高詰天天謝不能酬乃知天空虛  
未嘗爲世謀嗒然野心息鳥鳴空山幽

露

荒園種白露一一費天工借影賴明月天寒逼夜蟲俱  
能爭木末無復惜花窮相與待朝日草根餘濕紅

過洪園訪蔡清奏孝廉

五月蕭蕭雨衝泥過此園到門一握手相視雨無言花

影夕陽靜琴聲殘夢喧瞋然忘主客間坐醉花軒

重遊北蘭寺

北蘭仍舊地相見亦如新一別遂三載重來共八人曉  
林煙正暝秋菊露方勻題壁中丞句誰當拂舊塵

歲暮

歲暮蕭條午夢殘短歌誰復效曹瞞賈將癡去還留癖  
迎得春來不解寒空怪咸陽生馬角休從安邑問猪肝  
窮途策杖更何往雨雪山中木葉乾

楚遊草補編七首

羊城登舟將之楚訪兄巨中也

欲趁飛鴻度宵冥放舟日午淨煙汀江光晴動文昌堰  
沙氣寒深演武廳慈母愁懷從此起故人別酒未曾醒  
武昌正有梅花發黃鶴樓中不可聽

舟泊謝家埠

年年飄泊信浮萍贏得貧交處處輕客意似舟時一動  
旅愁如月夜來生沙洲有舌終何用江水無聲只自清  
明日風塵三十里寒煙高擁豫章城

望湖亭曉望

水落珠璣一帶偏半居青草半居船青洪君老無端怒  
曉氣平昏百里天

南康道中望廬山

聞說廬山看不真遙從百里現全身  
影開南面三天子峰列西頭五老人  
匡氏做廬長已矣遠公舊社一逡巡  
漫遊到處曾何遇爲訪潯陽舊隱民

入廬山

确磴清潺水石痕桑麻雞犬想桃源  
上方竹影或藏寺深谷人家多閉門  
雲止半林飛不起松生高壁靜而尊  
二三百里盤紆路只與匡廬共曉昏

沙村大風舟幾覆

天塹茫茫歲暮遊臨深一在信扁舟  
日當沙起生青角

浪爲風驅長白頭古禮曾知三不弔壯心祇覺百無憂  
當年橫槩終何事赤壁山川兩賦收

黃州江中夜行三十里得一首

荒濱不敢宿孤艇越黃昏江轉侵山脇星垂入水門高  
沙時一觸輕槩合爲奔不識層層樹黃州第幾村

吳征草補編二十四首

舒家港舟中

已憎愁寂更淹留晏起篙師未放舟日破曉烟千樹立  
風回遠浦片雲遊阻行已半窺天意欲占難全信鬼謀  
吳越霸圖今似否風胡何處鬻純鉤

衢江舟阻

衢州無一事三日滯輕舟  
入夜聞微浪真疑學枕流  
代同舟人見縣尉

舟懶隨意歇偶泊衢江水爭舟者何人  
啁嘈鬧舟尾舟人椎落水黃昏譁不已  
并侵同舟人無賴勢莫抵晨興不可忍  
謀將赴縣理相顧難見官噴噴曰唯爾卑官候  
亦難日斜猶空几徐徐縣尉出緩頰剖端委  
彼誦固所宜我直究無取誠哉天水象作事貴謀始

七里灘夜泊

岸夾西風竟夕吹蕭蕭樹葉盡鄉思  
可堪人事悲涼日



正値乾坤冷落時秋色一江餘野艇濤聲半夜到荒祠  
客中情思都無定夢裏烟波縱所之

贈陸梯霞先生

武林何所遇寂寞子雲廬廻轍孩兒巷傳經故老居  
亡書三篋在危齒八旬餘一握欣聯座琅琅尙說書

蘇隄獨行

長隄分漑百千疇坡老何心作勝遊直以文章爲事業  
遂教經濟亦風流日斜斷藻紅痕碎烟老垂楊綠影周  
一徑獨來還獨往與誰分取兩湖秋

錢塘懷古

九月寒深遍地秋錢塘風景亦生愁蘇公隄是三生路  
御史臺非萬歲樓山樹漸看紅葉滿野花開到白蘋休  
趙家宮闕今離黍獨有漁家舊釣舟

西湖晚行

盡道西湖日日春秋來一往正傷神荷花面老柳眉皺  
滿地斜陽不見人

九日登昭明讀書堂

初日亭臺出翠微我來登眺雁孤飛有詩空白題紅葉  
無酒應難望白衣文選風流千古共蕭梁賓從近來非  
遙知官閣閑清譙故國他鄉事正違

拙齋小集以汲古得修綆爲韻分得得字

鏤炬搖華屋溫溫席初卽四座無雜賓昌黎領籍湜是  
時十月首庭戶且秋色纖纖月微掛羅羅花新植景物  
與興會尊酒發胸臆相期邈千載厚意不可極來軫方  
遙遙重當驗所得

支硎俳體詩十四首之二

十里紅粧闌夕暉盡寬茜襖着羅衣竹兜比似移春檻  
欺得名花到處飛

日暮風生珠翠香紅衣成隊出山忙春遊不到歸來晚  
翻向空林怨夕陽

留別吳中諸子七首存四首

何章漢

霜落吳門晚飄零媿布袍  
開眉逢四照接鄰訪三高  
詎謂文章貴重驚吐握勞  
歸颿有明月相憶正忉忉

程詒士

涼風日以厲滿目異他鄉  
未寄寒衣客來辭畫錦坊  
旅中頻枉駕月裏幾飛觴  
別有流連意枌榆未可忘

陳彥瑜

當年陳仲舉傾意向徐生  
而我飄蓬跡虛陳下榻情  
徂徠猶樹色匡嶽有書聲  
未悵此揮手相逢春草萌

陳揆九

投轄意何真騎驢愧隱淪還疑驚座客誤賞謫仙人  
牢落千秋遇飄零十月春長懷不可盡岐路欲逡巡

壽洪翁

黃山橫秀氣明德紹清卿道契商顏老年高洛社英間  
遊編五筆靜已却三影憲乞

熙朝典蒲輪早晚迎

立春同六弟巨州兒子孝源限春字

朔氣猶餘臘陽和已報春郊迎周制重詔下漢風淳太  
史先三日羣公奉

一人到時方長養生物此寅津佩已銓蒼玉車應駕翠麟黃  
牛鞭土氣青笠戒芒神木德齊占氣花光併絕塵莫集  
時冷淡生菜滿盤辛

書帶草始花

書帶草生青滿階花如蝴蝶忽然開南華獨倦看書眼  
道爾莊周夢裏來

得名傳自鄭康成曾向城南山下生比似當年誦詩婢  
還疑姿態不如卿

清明日遊陽山

偶爾看春上小舟暖風涼日正夷猶無端搖向陽山路

卷之四  
虞虞疎林逼似秋

負日危峰勢蜿蜒  
謾憐箭闕付荒烟  
年年憑弔渾閒事  
依舊看人掃墓田

挽項翁

卅載維揚夜壑舟  
黃山縹緲海雲收  
丹砂臺畔諸仙會  
散策應爲汗漫遊

穆堂別稿卷之五

臨川李紱巨來

詩四

補編草二

癸未至辛卯

秋山草補編二十九首

鶯聲三首

綠濃陰裏小黃離學就新聲二月時  
便著金衣翻白紵却吹玉琯寫烏絲  
春情說破煙霏散午睡呼殘日影遲  
誰與戴顓有同調雙柑斗酒發清思

盡日丁寧太費情蘭閨春窅易心驚  
東山零雨新昏句



垂柳斜陽破夢聲一路串珠穿霧縠滿林碎玉開風箏  
隔簾閒看雙飛影拋擲新黃得意鳴

自依芳樹作微嚬欲主煙花及早春出谷初調公子舌  
含櫻巧學女兒唇最憐睨睨能求友不信緙蠻解感人  
見說秋山書韻好窺園煩爾再三頻

偶成

世外乾坤卽眼生蜂衙蟻國莫相驚  
羲黃只向風中遇蝴蝶寧須夢裏成  
開卷千秋書獨在當門雙樹許參盟  
紛紛蠻觸真何用付與啼鶯睨睨聲

秋日即懷八首用少陵秋興韻

蕭瑟西風滿舊林  
芭蕉濕抱曉煙森  
幽胸雨過千江浪  
小圃雲歸十日陰  
臨水登山皆別恨  
鱸魚蓴菜總鄉心  
秋聲動地誰先覺  
一片寒蛩萬戶砧

憶昨登樓瘴霧斜  
黃童白叟怨年華  
車箱斷盼牽牛駕  
杼軸空憐織女槎  
荒微飛書如羽檄  
孤城倚嘯勝哀笳  
主賓清暇供憂患  
喜見秋叢桂放花

草深庭院憶春暉  
一寸枯萌報已微  
去國馬蹄常蹢躅  
失巢鳥影屢翻飛  
絕裾已事前賢誤  
捧檄何人壯志違  
盡道當筵非歎所  
每逢尊酒輟甘肥

功業無成救劫碁  
百年棠棣幾番悲  
寒燈相向今何夕

夜雨連牀彼一時樓未相輝花黯黯書長不達雁逶遲  
鍛翎宛轉支公鶴羽翼天涯有夢思

千峯東望是家山心逐飛雲滅沒間兒女長成應解憶  
姬姜蕉萃總相關幾時倚幌雙回首到日牽衣一解顏  
十載伶俜成底事玉門虛老未封班

井梧飄盡月當頭范叔衣寒不待秋恍惚壯遊前夜夢  
逡巡佳節隔年愁賓鴻有信辭歸燕鴛序無憑失舊鷗  
寄謝故人流落甚乾坤何處識荊州

薛臺指點闔閭功白露青烟茂苑中挽弩一觀東去海  
挂帆三趁北歸風千將門閉霜華白伍相祠空落照紅

勝聚只今增感慨扁舟長羨挺魚翁

青天有路苦逶迤誰策飛龍向葛陂花盡不逢前度樹  
巢寒難借上林枝能詩杜老家何在多病休文帶屢移  
猶有胸中舊豪氣暮虹千丈倚山垂

咏物五首

蓮蓬人

子結秋芳舊事非苦心零落粉痕稀香銷猶識張郎面  
葉盡還裁楚客衣輸汝一生花裏活共誰雙槳月中歸  
夜深莫唱璫璫玉驚起圓沙宿鷺飛

鰲鶴

冥冥渺渺悵天淵鸚鵡前身亦偶然飛莫過河珠易盡  
棲還傍肆玉堪憐琴高駕幻緱山翼范蠡經緇石室篇  
欲比前魚求好爵恐驚滄海變青田

橘燈

九枝爭比百枝強珠樹移來盡夜光冷燄不遷南國氣  
熱心空老洞庭霜未誇梧剝仙人燭可要蘭燒侍女香  
聞道璇樞星曜散青黃滿院照文章

蘆筆

歐母當年擅教兒一叢留得寫秋思江頭鋒退霜盈握  
夢裏花開雪滿枝雁過平沙將作字月明漢水自臨池

湖洞便欲裁新穎簪向高冠侍玉墀

挑核船

小字塗金內庫藏誰施纖伎鬪輕航半腔猶勝均堂芥  
十斛應爭出地樟便駕胡麻同泛泛却乘仙種更茫茫  
蠡舟豆舶渾閒事好覓常山第幾霜

夜賞芙蓉花萼斂矣戲呈張明府天申

名花珍重惜芳妍不作人間信宿緣卜夜祇應辭敬仲  
尋春莫漫笑樊川朝華已謝曾披後夕秀空看未振前  
殘醉若教明日續晨妝纔罷最嬋娟

再疊夜賞芙蓉韻四首

他鄉飛璣逐歡妍樂事誰空十二綠花信有城開萬朶  
月當無闕滿千川晚秋漏澗星初轉永夜譚深坐屢前  
不厭寒空清露下更看風葉翠聯娟

萬物都憑過眼妍無情還作有情緣梅花惆悵羅浮洞  
象罔迷離赤水川臉際文君驚獨絕詩中謝客讓誰前  
百端惟有昌州恨安得移根付趙娟

曾知花萼最纖妍兼道仙家別有緣紅粉幾人迎故主  
青蘿何處薦平川無情霜露欺遲暮有分杯杓散後前  
遙想空江臨水處圓沙清鷺共娟娟

絳蠟燒殘鳳影妍惜花宛轉夜深綠酒闌未擬眠西閣

月上猶堪坐輞川司馬才華居客右令君文望在盧前  
紅妝花辦青衣葉珍重回風唱麗娟

遊梅田洞暮歸用龍岡菴韻二首

林壑回看畫龍眠老伯時漫憑康樂屐寫入右丞詩洞  
壓疑傾困峯危想累著落州車馬亂歸思獨遲遲  
杯底流寒碧籬邊試晚香半酣矜酒戶小摘愛花牀不  
覺前峰失俄看返照藏輕舟搖月好何必恨晨光

秋山道中贈張韋齋

最憐宣武說流芳吏議無憑漫鼓簧方朔龍蛇思縮手  
史公牛馬枉迴腸不平屢拂芙蓉劍有分還褰薜荔裳



好爲澄清存國體江湖魏闕久相忘

舟中卽事

清江秋老作春晴蘆葉風喧雜鳥聲好樹但憑霜畫出  
遠山多倩霧添成天迴薄照疎林見地散微陽淺草生  
放與中流隨浩蕩郵錢不用報官程

峽江舟中望東岸諸山

淦川多名山秀色何蒼蒼玉筍與閭皂勝蹟聞遐方竭  
來泛輕舟鼓枻山之傍山中多羽人蘿屋繩爲牀紫陽  
昔好道云爲塵事妨山人臥不謗怪公章句忙殷勤甘  
道士微言發清狂往往有幽夢松風花雨香服食矜刀

圭使爾生黃光公欲借其榻如行歸其鄉叅同不可契  
虛願瞻雲房神仙固幻言所志毋乃荒青山彼自高吾  
道施巖廊草衣木食者雖壽不足張况乃同一化彼生  
安得長舟行風正好山影遠莫望快哉峽流急輕帆去  
洋洋

廬陵行次王瀘溪先生韻

贛江疾走春波洪經過名郡雄江東青原白鷺地佳絕  
觚陵突兀經樓紅當年奮起六一叟炯如日月行天中  
起衰五代繼韓子如撞金鑄振黃鍾包劉越羸信奇傑  
公乃渾噩追黃農五音各具天地氣春容元氣尤推宮

上調中和建皇極始終八音行八風人往風微談逸事  
豪傑終當繼公起後之視今今視昔萬世不窮一尺捶  
公生吉州吾撫州過公故里還遲留

國家重熙盛文運知有何人出一頭

唐興百年而得韓子  
宋興百年而得歐陽子

元近百年得虞文靖公  
年矣故過公故里慨然興歎

本朝統一四海亦近百  
年矣故過公故里慨然興歎

次韻答陳彥瑜見寄

惆悵金閭路伶俜仗友生看雲驚異色倚曲愛同聲雪  
棹風流最雨胸魂夢清終須重命駕千里一時情

螺川草補編一十四首

遙題臥雲山房次歐陽孝廉韻

平生謝幼輿置身一邱壑賓朋偶過從促和陳杯杓十  
載狂奔走聚鐵難鑄錯昨來買敝廬塗茨無丹堊園蓀  
始移本山桃未破萼高高下下問結念屬興漢游斯臥  
於斯鷓鴣翼本薄宜川有友人依山結書閣遺我一小  
冊紀述多名作已忘吾喪我忽驚盧見若佳名愜我心  
其言君不忤傳家世滋大丕基日當擴萬卷正縱橫一  
經矧克灼夢寐與古同翱翔誰汝縛撫琴動眾山濫觴  
亦糟粕曲江已蕭條成都終寂寞何如此堂成快共羣  
賢落相思擬命駕箇杖雙芒屨同臥亦同遊一一爲領  
畧終歲困天械旣籠加以鑰撫冊歎崔詩後來敢拳脚

草草接末倡杜博當誰著適越譏言至茲遊信可樂

送人之姑蘇

逡巡六載吳趨路忽見君行動遠心茂苑花時長眷眷  
閨門柳色幾陰陰寓公此地曾知重刺史當年最解吟  
米價不煩遙寄語東遊吾已卜秋深

胡氏園亭

城市有山林吾愛襄陽宇地偏無遠心山林亦城市

贈曹蕉圃

羈棲久失故鄉遊忽漫逢君古吉州舊事如風吹雨散  
新晴似漆以膠投居連白岳無多里才接黃初第一流

何日扁舟歸練水  
粉榆同宴話春秋

送練中舍之信豐卽次留別韻

江濶尤風伯  
雲深墮雨工  
殊方雙袂判  
別路一尊空  
夜燭燒頻短  
春帆望不窮  
遙知賓主暇  
茗椀閒詩筒

廬陵道中值風

空山莽莽雨如雷  
襖被書囊濕作堆  
妄指風雲教會合  
本無毛羽付摧頽  
前途黯黯行難定  
故寓蒼涼別可哀  
猶喜石陽山色好  
萬家烟樹筦絃開

登青原絕嶺同何方聞

絕嶺煙開三月春  
青原極目遠無垠  
龍蛇泉出千峯亂

卷之三  
菜麥田分萬井勻呼吸定知通帝座倉皇未擬別家人  
兩生狂欲摩崖石爲記嵩遊第一巡

觀劇戲呈劉靜淵何方聞

花源誰傳粉上客有劉何霍氏原名玉秦家詎姓羅分  
杯憐醉暈留扇助清歌瓊瑋應難抗通辭漫託波  
自分閒情薄空聞喚奈何無魚誰泣釣有鳥各張羅夏  
統能危坐陳珠足豔歌祇應催小海休唱定風波

送王明府陞任睢州

報最清時績已成故知獨坐擅家聲未容河內三年借  
驟遣巴山百里驚伏軾爭誇熊羆屬建旌遙見隼飛鳴

陽春更向中州布崧嶽雲開列宿明

贈趙明府二十韻

千古從龍運都隨王氣蟠

盛朝臨六合名世萃三韓地擁金城壯山橫鐵嶺寬英華  
包孕育宇宙藉清安豐沛勳庸成南陽故舊歡惟公尤  
挺出于眾得殊觀世德尊苗裔雄飛足羽翰器看雙璧  
重清酌一杯寒澤遠傳弓冶礪新試鎮干光風廻弱草  
歡氣散崇蘭溫潤矜方尺從容歎累九敬賢猶下榻連  
臬欲彈冠鬢舍留神雀荒池起墨瀾孤生流落久薄伎  
入時難自守先疇服虛煩故紙鑽梳戈嘗恐逃彈鋏肯



同驢遊遠琴雖碎歸真璞尙完散村終莫用奇石在多  
獵鉅鹿誰思李河陽喜得潘短歌還待旦未信夜漫漫

輓吳丈

斬然苦由意茫茫忍復於公薦辦香風變輒推交讓木  
月行屢犯少微芒那知是夢還非夢併忘居喪更弔喪  
此日通門齊一哭猿啼鶴怨總霑裳

送練文學之南昌用見裏原韻

鳥啼匡嶽黯鴟怨海雲深各抱遲遲意猶煩欸欸尋風  
塵餘短髮星燧老雄心去訪南州客陳蕃重古今

壽張母

玉井蓮香暑氣深花開劇獻藕兼葭

國恩曾拜孺人秩家法猶高女史箴他日

九重誇老福當年三戟數簪纓瑤池定有驂鸞使淺碧霞觴  
取次斟

公車草補編一十八首

贈山東巡撫蔣公

岱嶽曾霄上扶輿氣獨尊

畿南分重寄江左得名門節鉞雄家世弓裘接子孫公尤  
天所挺式是

帝子慈十二齊風大三千魯教存崇勳看嶧石明德想河源

化回民皆壽春陽物自溫地靈合寶氣海靜絕波痕衰  
翫思誠切

綸扉道要論總揆先納麓持鼎屬調元會合風雲壯謳吟  
道路喧薄遊慚世好載頌托敷言

呈貴溪令武強韓公

鄉試同考官師

恒嶽蘭臺秀扶輿氣獨昌蔽虧迴日月清淑應鱗鳳夫  
子承

熙運魏科接廟廊許身兼政治報

國用文章花暑弦歌美薌溪德教長孤生起簪屨幾歲附  
門墻昨者南宮役仍依北學光蓬山窺鉅麗江國望微

茫不改青瑣舊長懷絳帳旁急裝綠問寢假道得升堂  
報最期偕入飛鳧到

帝鄉

壽觀察王公十首

俱代同年諸君子作

老成清望早明農卅載鴻勳記鼎鍾天上榮光原浩蕩  
江東茂化最醇醲罷彈桐尾惟看鶴撫養松鱗盡作龍  
試勸斛犀前致語莫將退食易堂封

壽考功名意可窮不知天地有全功身承

御詒藏猶紫顏借金丹養更紅畫錦堂開風澹沲蓬萊宮望  
日瞳矓也知歲月平泉好猶恐商岩夢又通

鳳凰原作清時瑞千仞誰當攬德輝興在睢園尋綠竹  
功高吳會付

彤闥肯從上客開清珮猶有東人望袞衣此日登堂傳玉  
璫一篇重奏鶴南飛

天祚嵩山鎮洛陽篤生申甫佐

巖廊烏臺署蕭風盈袖綠野堂開笏滿牀鼎望

九重叨盛眷樛材千里拜餘光遙知獻壽環金紫分映庭槐  
滿樹黃

太清宮禁綺筵開執法星明燭上台並奏雲璈紅滿座  
雙擎霞醴紫凝杯濃陰四蓋新槐葉湛露三章舊柏臺

謬列河陽門下士不知誰當撥天才

星分龍角屬睢陽上接清英應壽昌七葉象賢光玉樹  
十年豸繡擁金章謝安未許耽邱壑司馬還應佐

廟廊最幸枵材叨有造願持北斗酌天漿

綠野堂成地有仙方平又見紀桑田東山正切蒼生望  
北海遙瞻紫氣懸奕世豫章沾化雨十洲法部奏鈞天  
只今

哀職須山甫爲訪城南濯錦泉

山斗崇聲樹德隅烏衣門第接華腴仰承道已光前烈  
入贊功猶協上樞按部繡衣驅駟鐵繞庭寶樹擁三珠

西江新進瞻耆舊介壽誰當寫五湖

斯文清氣屬扶輿磅礴中州擅令譽遂有真人當

景道教爲碩輔翼

皇居百年天壽需平格幾歲遐情賦遂初今日門牆齊引領  
千秋看賜入宮車

黑頭曾不羨三公要錄歸田擬醉翁江表十年思臥虎  
雲衢千里望飛鴻芝蘭玉樹環階城琬液瓊酥出閭風  
更許一尊陳末曲未須綵鶴祝金籠

又代壽觀察王公二首

亦代同年作

功成誇勇退福厚擅奇龐

堯舜方南面  
羲皇已北牕  
風雲連五嶽  
霖雨徧三江  
縱嶺間  
仙樂飛鳧定一雙

靖共熙

帝載高蹈守天和  
虎拜曾稱壽  
鴻冥詎可羅  
瑛盤呈火聚  
銀燭晃冰荷  
擬逐斑衣後  
南飛一曲歌

送大宗伯吉水李公南歸四首

去月荊州纔一識  
中天喬嶽信千尋  
豈知一夜東風老  
便作春明送別吟

廿年

朝望黑頭公  
揆席綸扉屬  
轉蓬酒氣未堪浮  
大白花枝且



復長紅

玉堂天上五雲屯  
歸去鄉邦德望尊  
兩制優游誇父老  
一經鄭重付兒孫

前賢逸事南州集  
故國閒情下澤車  
祇恐歸田纔著錄  
商巖有夢出徵書

南歸草補編二十一首

庚寅冬涿州道中雪行用昌黎辛卯雪韻

昔人咏載途衝雪  
乃旋歸今我行雪中  
羣玉山四圍凍  
雀餓且啄癡鳥蹲不飛  
冷埃燧煙滅飄飄搖戍旂  
衝煩古涿鹿孤行披征衣  
炊暗憫木介女丁真水妃  
五行消

息理兩閒陰陽機閉塞養元氣稍泄良已非

聖世屢豐年野老占先幾行役豈足歎春陽開三微

趵突泉疊用辛卯雪韻

崑陽美風土濟水之所歸噴源七十二燦若星宿圍趵  
突稱聖泉怒上仍橫飛日明散金甲風勁翻龍旂谷叱  
山則牡上下如裳衣茲泉獨雄出嶽神稱元妃物理不  
可測顛倒造化機且快耳目玩未遑陳是非現乃伏所  
遲伏爲現之幾沈流信幻怪誰當叅其微

過淮陰弔韓信

王齊心已足破楚氣無餘莫漫誇三傑吾家有左車

庚寅除夕舟發燕子磯

衝雪辭

京華飲餞春明門車馬困泥塗風嚴生瘕龜排冰渡河淮  
歲暮時旣單助喪滯蕪城僧房多清寒衣裘偶不戒臥  
疾乃淹旬金陵有宗人萬葉猶同根拏舟一相訪信宿  
煩飢牽燈火滿浮屠竹爆聲喧闐相逢語別歲余亦解  
維旋奇石倚天立危磯出江干舊時王謝燕空名猶爭  
傳江山幾代謝今古如風煙矧茲漂泊蹤儵歟歲事遷  
吾聞屠蘇酒老幼分後先家人歡聚首杯杓同團圓獨  
我天涯客孤帆猶渺然詞臣昔所重仙籍誇蓬山孤生

偶遭逢省覲期屢愆遙思高堂夢茲夕方流連日暮望  
京口金山何孱顏歸旋未及投暮煙江氣昏須臾造仄  
步別港千艘聯貫穿若闐闐騷呼陳几筵估人慣羈旅  
頗笑懷與安我亦志四方風浪猶等閒且同眾人醉獨  
醒豈足賢旣謝早

朝勤亦捐賀歲煩超然出塵表奇絕庚寅年

辛卯元旦渡江阻風至次日乃渡

長江萬里超揚子金山鐵壘相撐柱水石激盪魚龍驚  
汎汎風來土囊怒波濤萬疊堆銀山一葉漂搖風浪間  
逡巡換舵不敢渡且依荒汎觀狂瀾戍旗獵獵埃火暗

驚喘竟夕猶相撼行止遲疾天所爲拂策龜安得驗  
當年斬王建奇勳橫江殺氣天爲昏黃天蕩濶竟逸寇  
始知人力難憑論我行欲速遲亦可遲疾在天不在我  
餘樽一滴醉江神何似東吳沉鐵鎖

送劉贊府效先之延平

春風堂左哦松處仙吏才高拂袖還却笑酒闌談往事  
共君京邸夢秋山

平生滿志藏刀手阿大中郎領

節初此去湖山千里濶陽和應得助吹噓

壽封御史吳公

白岳精英最延陵世閥尊綺年奇節在中歲道心存禮  
樂光先德謨猷啟後昆長沙猶烈祖季札有文孫牙繡  
斑衣貴芝蘭寶樹繁善應惇史記心與散仙論晚節松  
鱗古春和蔗境溫鯉庭盛桃李酌犇溯淵源

湖廣巡撫張公貽札見訊報以小詩

玉節牙旌擁外臺鳳池南望楚雲開閒曹分作千山阻  
從事驚看十部來江漢舊稱南國紀澄清須仗大川材  
郢中曲有陽春在黍谷還飛六琯灰

代壽山東巡撫李公二首

萬葉柯條羽葆重本支分蔭許從容甫侯神自來崧嶽

韓子名應北岱宗禮樂三千開魯教山河十二壯齊封  
壽昌南望星雲爛酌斗躋堂媿未從

朝宁同瞻獨座尊卿雲紆綬起朝暾  
伯猶推四國蕃棨戟風霜占曉氣桑麻雨露總春溫  
章遙寄東飛翼惟待經邦看坐論

司業魯留耕先生遷侍講以書懷詩見示依韻奉呈  
滄海橫流未敢言獨持古道底橋門風聲久識人師貴  
冰秩新加

詔旨溫未用講筵爭坐立重來史館共朝昏  
一揮九制誇中使臺閣文章許細論

壽蔣太夫人七十

包雪持將貢靡瓊散作敷扶搖暗絳節縹緲下清都共  
祝千年實同瞻九族模嗣君廊廟器十賚有貞符

代壽吳封翁八十詩六首

黃海煙濤六六峯傳聞縹緲溯仙踪都將芳馥傳丹桂  
滿貯勳名訪赤松綠野奇姿原勝鶴遼東清望總稱龍  
淵源撰杖猶堪問重見延陵禮樂宗

碧海扶桑曉日東蓬山仙馭慶來同星迴甲子春何永  
天放異人德最充變化幾年潛霧豹文章無地補雕蟲  
繡衣已振傳經業不待



徵車應夢熊

綺里商顏溯舊宗飛鸞鳴鶴競離離酒杯詩卷閒歸手  
國憲家猷靜貯胸閩海風塵三尺劍黃山煙樹一枝筇更  
看臺柏慈烏散明發懷深託靖共

湖海當年意未降黃山西望溯曹江逍遙遊寄鵬千里  
寥廓翔看鶴一雙逸氣似雲知獨上秀眉如雪見應龍  
徵君大業趨庭得白簡青驄暫爽邦

隱之令望國人知通德門高眾所師金石謀傳閩海重  
冰壺清謝維塵緇鶴林泛露芝田後鳩杖嬉春蔗境時  
况有繡衣誇色養傾

朝介壽各陳詩

鵬息南溟翼早垂不須九萬更南爲鴻才懷抱錐呈末  
盛德周旋杖中規庭下光華驅駟馬胸中談笑吐虹蜺  
天家恩賚無窮慶象服龍章次第馳

壽羅節母

清淑鍾蘭閣坤維正氣淳在三千古事從一百年身絳  
雪嶸山古青雲汝水春馳封有賢子綽楔佇嶙峋

壽何太夫人

侍講國宗母

天水原仙籍廬江屬舊家盤花雙碧玉

綸綽幾黃麻寶樹雲中秀芝蘭目下誇通門懽酌尊遙指

九光霞

壽張封翁

桑苧名高越水東  
烟波無際泛詩筒  
山中相羨神仙貴  
河上公推道德崇  
握槩經年楊子學  
傳經再世鄴侯功  
酌犀安得躋堂祝  
訪戴誰乘樵艇風

穆堂別稿卷之六

臨川李紱巨來

詩五

補編草三

壬辰至丙申

瀛洲亭草補編八十首

萬壽詩八章

慶雲初起曉光寒佳氣蔥蔥萬眾看天近

九重垂葆蓋日明雙闕集衣冠珠光蓬海霞千疊紺色嶸山  
雪滿盤眞信泰階平有象年年春色在長安

雅歌天保祝南山

穆堂別藁

卷之六

萬歲蓬萊咫尺間  
扇影動時分鳳翼  
爐烟開處望

龍顏紅桑碧海籌無算  
綠字丹梯路可攀  
尤喜明良膺帝載  
承恩常得綴崇班

萬國尊親德配天

一人首出獨乘乾  
翠旗兩路分

宮仗錦幄千重敞

御筵正是虹流華渚後  
恭逢電繞斗樞前  
要知四海呼嵩  
息不讓羲軒數大年

熙皞人傳擊壤歌  
堯天何限得春多  
陶鎔萬類歸元化  
保合羣生共太和  
已奏龍鱗郊外見  
時聞鸞鶴月中過

萬年枝發東風裏歲歲蕭森碧玉柯

帝座中天麗五車天潢長得近天家朝陽若木無窮影  
春露蟠桃第幾花香際烟雲三色喬海中樓館九光霞  
聖人有道符元造大塊空同未足誇

古時秦運屬三陽壽域遙開際八荒冉冉春雲生畫棟  
瞳瞳曉日上扶桑金泥寶檢仙人籙琬液瓊酥帝子漿  
試看夔龍趨

鳳闕祝堯歌舜競篇章

壽昌南極映長庚九鼎光騰百寶生天地華嵩千古氣  
中天日月萬方晴紅雲四面扶

皇極紫霧三重繞

帝城爲語詞臣編瑞應黃河猶記昔年清

紫微晴色到

彤庭光氣昭宣震百靈上葯海濱陳火棗清都天外下雲  
駟宮花萬樹爭春發禁柳千林向曉青

聖主對時方育物擬將山嶽比修齡

松筠集題詞

歲寒時序天心見冬夏青青定幾傳一篇占盛德  
小山叢樹惜淹留自題白鹿通人世肯訴黃蛇遺母憂  
信是拾遺清節在新羅曾識使臣舟

壽吏部侍郎李晴崖先生

維嶽生名世崧恒一氣同王裴歸雅望申甫誦清風北  
斗杓初正三台位欲中蟠根附柯葉酌斗意何窮

題東坡遊赤壁圖

昔年曾作黃州客一葉扁舟萬里風今日披圖却回憶  
雪堂泥板想空濛

楚中山水故蒼蒼橫槩東來一戰場獨怪文章勝功業  
不將生絹寫周郎

題醉仙圖

醉鄉深處夢蘧蘧對立雙松卽我廬客謝二豪猶噪廬



侯封萬里得華胥隱非朝市龍蛇幻靜與山中木石居  
更覓桃源成底用羲皇上已勝秦餘

賦得困人天氣日初長

地上經營何太忙黑甜黃奶鎮相羊不知春去今餘幾  
但覺華胥在帝鄉

送劉侍御歸中州

光嶽含元氣陵增占古風書思清禁裏勇退急流中雲  
水心同適風霜節更崇臺垣振芳躋蒿洛二劉公

君與同鄉

劉蓬聞給諫  
先後引年

壽曾稽隱者

桑派蓬矢耀門闌晚節黃花照古顏今日何人訪安道  
扁舟還詣艇湖山

除夕聯句同沈雍章郎梅菴

邸第逢除夕聯吟共佐觴沈雍章憑將文字飲留取少年

狂

李巨來

雪薄知春逼更闌長夜央郎梅菴酒酣腸自熱詩

澁手猶忙

雍章

路聽灰堆打山傳歲火揚巨來分杯餘滴漚

釘座及餞餽

梅菴

盤碧浮維柏盤辛芼以薑雍章棗梨爭脆

美燔炙益芬芳

巨來

餽從多媚屠蘇肯後嘗梅菴老饕情

未已結習興何長

雍章

墨瀋騰松膩光箋展麥光巨來石湖

歌歲事賈島檢文章

梅菴

直擬前賢韻寧教古制荒雍章癡

獸偏欲買虛耗不須禳巨來禁鼓聞新令藏閣試舊方梅菴

且從催老境還復趁歡場章雍百年殊偶爾二客正相將

巨來夢擬欣同趣居休悵異鄉梅菴參差依几席顛倒著衣

裳章雍

帝闕金壺淺

天街玉露灑巨來早朝還拂馬佩玉已鏘鏘梅菴

挽李叅將

空教聽鼓輦千里惠嘉師已隱屠龍技終懷射虎時蕭

條憂國髮吟嘯出車詩墮淚蘇臺畔重看峴首碑

賦得五月江深草閣寒二首館課

裴冕山資結構幽嚴公車騎此綢繆空江天入疑無地  
長夏風來逼似秋水荇嘉魚看暖喋桐花立鳳聽啁啾  
不嫌小隊郊垌境更俯澄潭狎釣舟

岷峩萬壑赴江源沈碧猶含古雪昏小架茅檐臨水出  
半銜石壁入波翻百年枏樹留雲氣四面橙林礙日痕  
况有寒蟬聞髣髴老農良已忘高軒

中秋卽席感懷

寧靜齋頭夜色妍高張絃管列華筵天邊月色一千里  
客裏中秋十二年去日流光掣冶落古來人事愛團圓  
北堂白髮今宵影遊子鄉心獨惘然

夢覺偶成

空齋噩夢初回後，漸覺吾衰異少年。  
羅帳勁風長震撼，紙牕明月漫嬋娟。  
關河萬里雄心破，鐘鼓三更舊事牽。  
到底宦情同阮裕，冷官應不耐高眠。

上督學楊公

華嶽峻增上，黃河曲折東。  
英靈含間氣，聞望冠羣公。  
夫子關西彥，文章宇內雄。  
三秦原首薦，百勝屬環攻。  
雁塔題名重，鸞坡視草工。  
紫微天鉅麗，青瑣日瞳矇。  
未許承明厭，猶煩啟沃功。  
殊榮來不極。

明詔發由中，使節西江遠。  
皇華上國隆，虛前應轡滿。  
冀北早

羣空菲薄甘淪跡  
旣陶肯發蒙步趨良不易  
名次偶然同范質  
衣能授嗣宗路未窮  
敢疑潛穎薄噓植待春風  
恭賦得俗尙非交讓官箴乏協恭

原題御製噫原蘇州風俗

東吳千里寄

帝念九重通側壤  
仍餘習微陰點太空  
末流雲漢表分野斗  
牛中文學前徽遠  
桑麻故井同蕙融  
尋舊宅羊陸緬遺  
風木有臨渠直天應到海宮  
從來覲雅化上德守淵冲  
稻蟹鄉原富導鱸  
宦豈工頗聞循積染何以啟顓蒙  
競或錐刀細才惟簿領  
雄衣冠故相耀節鉞果誰崇  
俗革恒疑面臣忠合匪躬  
箕猶聞許語裘肯恤蒙戎  
左計忘

前軌求疵竟內証參差情未一慷慨論難公墉屋驚牙  
角江湖想鷺鴻日星銷戾氣風雨望和衷言偃千秋澤  
周忱廿載功仁須存赤子歌乃遍黃童終信  
光天化漸摩意未窮

送同年曹炳菴守湖州

東南文獻數吳興熊軾朱轡壯此行丹地莫嫌清夢遠  
黃堂應愛治功成蓋公學術傳齊相子建才華接漢京  
安得扁舟訪同諧水嬉亭畔萬花明

壽詹太孺人

同年銓吉母

新定吳初縣西南織女山精英鍾內則芳淑照人間授

學臨紗幔延賓出珮環郎君共蓬觀看侍舞斑斕

送魏右臣合揭陽

天南海氣日冥冥春住炎荒草木青政術文章有師法  
辦香好去拜韓亭

政暇還能訪隱廬麻田山遠路踟躕遺珠到海搜求得  
更有當年高士無

廖若村前輩觀省南旋以述懷十詩見投余弟巨州  
兒孝源皆先生辛卯典試所得士輒分次元韻敬

餞榮行

木葉西風易水秋白雲南望晚山稠曾知毛義緣親屈



不歸相如薄宦遊

榮進從容辭侍直官程莽渺計行籌佳篇忽在投瓊重世  
絲堂詩未易酬

采真誰擬掇丹莢豐樂橋歸看柱題三徑日斜驅款段  
雙虹清曉聽鳴雞故鄉先達誇懷橘秘閣天人罷照藜  
安得鉤舟聽澤里勸留征騎盡情啼

每值驪歌念井疆東門立馬最茫茫清華未厭承明久  
迢遞翻憐驛路忙晝錦堂應歡二老木天人共憶三長  
版輿亦有稱觴喜欲賦閒居苦未遑

明發陳詩念所生不容好僞更搜情黃麻到識

封章貴綵服歸兼衣錦榮繡虎雄文三島重駕龍仙骨五雲  
輕過庭應數傳經業指點長榮又短榮

中秋寓齋對雨同族兄覆如弟巨州兒子孝源限韻  
牢落羈懷易感秋何當攀桂惜淹留

京華酒薄不成醉天柱峰高難可遊文字前程吹劍首宦  
情終日咏刀頭祇憐舊雨人來好擁月寒雲不用收

酒闌疊前韻復得二首

他鄉廿載負中秋

帝里年來更漫留樂事空聞金瑣勸清光那伴玉堂遊多慚  
座客誇天上却向家人問杖頭惟有丁丁落碁子雨聲

相問不曾收

風雨蕭蕭暗好秋寒燈相向一尊留詩先得句誇羣從  
飲不成歡悵昔遊萬事浮沉風射耳一年惆悵月當頭  
玉堂冷落空雲霧安得金錢散不收

寄徐西平卽次見貽元韻

漫誇香案玉皇前謫向人間作散仙彭澤自饒籬下菊  
濂溪兼愛水中蓮襟期風月真堪憶晚節永霜定可傳  
有約歸來重攜手蓬萊山下蔚藍天

象戲限三十韻局終篇就

軒轅始兵制握勝在中宮傳會沿周武規撫到小戎軍

機流益別奕數象猶工分國鴻溝界防邊大漠空陳兵  
齊向外謀帥獨居中天陣衡依地雲圖角應風出車當  
壯壘飛礮勝凋弓直進從方軌遙連擬斷虹交綏何太  
疾輜重不須豐犄角圍初急攻心甲已衷兩軍分左右  
並帝各西東抽策鞭中駟迴輪式怒蠱走偵楊大眼劫  
將楚重瞳武偕前茅勁文知夾輔功寸長藉廝養小忍  
棄丁公專制權能一交鋒敵乃叢股肱憑士力臂指屬  
車攻二廣偏廂接連環我馬同尋行斜間直分幟黑兼  
紅境靜心忘象神間日送鴻化蜩還比寂闕蟻獨聞聰  
勝氣墮橫吹輸籌引罰醺邈原忘貳負微義缺文賡伸

紙篇將就當場局走終叩扉聞剝啄驚夢失籠銅暇日  
猶堪遣閒心也自雄策勛仍穆穆表海故颯颯與巧謀  
能獲猶賢道益崇長材還肆應餘事許旁通觀物探元  
造陰符祕已窮

隱囊限韻

維夏親經史蠹薰到寢盈暑消藤架掩雨淨竹香生柔  
幌能同寂危冠暨與輕醉臨添宿夢倦止息搖精冰瀑  
觀千殿樓霞想五城靜居甘老我七寶爲誰榮

壽陳御史

有宋南中傑人倫識了翁雲仍家法在冰雪歲寒同壘

柏天長碧仙桃雨又紅

朝端數耆碩驄馬復誰雄

送李安公之官襄陽

郢書與燕說南北海仍同初照一麾影晚江千里風朱  
轡明皂蓋黃綬綰青銅猶勝三條燭春闈待至公

穀鄧春秋舊滄浪漢水清豐功看峴首偉烈指樊城望  
峻三端寄符分五馬行政成向

京雒歌吹擁霓旌

輓大學士溫文簡公

帝圖開道範台位掩星芒崧降維山甫仙遊失子房風雲思

壯氣日月近清光出納王喉舌銓衡國紀綱百僚瞻虎拜九敘屬臯颺忠孝聞

天語威稜照海疆勤猶持玉鉉倦欲解金章暫就平津第仍歸政事堂潞公來雜下太傅臥山陽名藥傳中使瓊漿出上方修鯨俄已駕大鳥竟何祥

皇子親臨重嘉名表行芳醕勳哀禮備

殊錫舊恩長故事存藝鼎豐功紀太常丹青神想像銘誅德篇章中夜看箕尾光應燭彼蒼

苑中卽事二截句

紅杏霞千樹東風穀雨前蓬壺過幾日看到落花天

錦纜牽何處波連太液前  
時聞仙樂過傳道是鈞天

送朱副使還姑蘇二首

壽考令名誰得並  
劇憐紫閣更丹邱也知絕徼五原塞  
故與褒瀛一葉舟  
萬古家風占馬足  
子魚鄉譽屬龍頭  
耆英他日傳高會  
笑纜綰絃隘九州

帝京曉日迴螭陛  
故國家風憶虎邱  
千里正瞻龐籍節  
九重許放志和舟  
春衣命酒同青眼  
晝錦還鄉尙黑頭  
烟雨江南勝蓬島  
肯將五斗博涼州

漫興戲爲三截句

摧頽病鶴歸籠後  
寂寞枯禪入定時  
遙語故人休念我



冷官况味只如斯

無端投刺漫紛紛不問誰何強過存  
酷日嚴風辭不得  
借騎人馬到人門

短檠虛屋冷悠悠噩夢連宵擾未休  
半榻醒來胸紙暗  
此身不省在

皇州

代輓大學士溫文簡公

元老功臣海宇昌漫憑黃閣數滄桑  
泰階方正三台坼  
禾稼何祥四岳當百爾具瞻驚驟失

九重哀恤震非常傳家賴有韋平學  
奕世絲綸慶未央

壽胥止舍

世德瑯琊望高風孺子鄉光聯青玉案慶溢紫霞觴學  
者尊元晏行人識彥方飛騰有令子五色下

天章

壽張丈

孝友家聲在銀陽世閥存里名通德重几識養和尊象  
服偕良匹龍文起後昆徵書還赴隴羔雁燦盈門

送張豈石令無錫

循良雖紀吏慈惠亦稱師今日論爲政惟君能誦詩莫  
嫌觀國久便怪出山遲百里三年耳飛騫鸞鳳枝

劇邑如相待山名著幾年

縣西九里有山名與君同

春遨躬勸稼夕

考漏移蓮寧壹師齊相風裁慎董宣謝暉與蘇圃芳譽  
定相聯

嚴曉亭侍御屬題墨梅壽其太夫人

萼綠華來下太虛天風環珮曉星疎花猶老幹冰霜後  
予是和羹鼎鼐餘松柏心同千歲古芝蘭秀並九英舒  
西江家法淋漓墨楊補之應畫不如

壽保定張守

漁陽傳逸事瑞麥應和風官已雄千騎封猶近百同門  
誇三列戟民愛五花驄上日逢皇覽謳歌滿境中

壽楊母

文節芳聲舊會知  
母德純晚香盟繡佛  
晨粥到家人雪  
近瑤池古雲扶錦  
幌新舍香誇令子  
翟第自扶輪

壽陳母

曾向車中識長文  
秀方清望自超羣  
家聲豈肯慚先德  
內治兼聞有少君  
青玉案聯三世美  
黃麻

誥出五花文  
司天此日占元象  
瑞氣繽紛盡慶雲

送同年萬常菴令開原

民質陪京古

皇仁北海深  
此邦堪製錦  
之子去鳴琴  
報最三年事  
謳歌百

世心東門送君處燕草碧盈襟

贈李尉

曾作金閭客桃花塢上遊惟余宗最盛似爾學初售仙  
吏誇牛尉新洲得虎頭行看鵝鵲下一筆

殿西頭

同年趙侯亦轉侍講口占以贈

牙緋袍笏稱金魚

中詔新聞有拜除自是勸勞須

特簡承明十載久緋書

南書房侍直戲贈潘檢討

問誰栩栩復蘧蘧蝴蝶莊周跡本虛莫笑黑甜過日午  
周郎太史欲攤書

賦得波光日影映旌旗

翰林會課

輦路時巡出近畿晴空仙仗裊金支重離下注光華爛一  
水平皴綺縠披析羽千章分掩映交龍雙引最委蛇日  
華賦與河清頌併作臣工拜舞私

寄壽督學喬公時致政家居

千里黃河幾歲清城頭姑射萃清英當年巫傳推名世  
舊業河汾識老成壽爵雙行青玉案仙音迭奏紫鸞笙  
九重雨露今猶昔早晚徵車出鳳城

奉祝雲南布政使李公雙壽二首

諸城房師尊甫先生

景星南極壽昌符飛輦瑤池氣象殊堂下衣還蹲瑞獸  
省中柏已聚慈烏黃麻紫綵

新恩命白鶴青鸞古畫圖莫向灞陵誇隱德柘漿金椀正歸

廚

千仞翺翔攬德輝古來壽愷此稱稀伯鸞上食俱華髮  
中復趨

朝已繡衣

天語正傳加眷注風聲兼得樹芳徽容依絳帳聞絲竹里曲  
還應奏鶴飛

又代祝布政使李公雙壽五律二首

公方內附

泰階依極正寶婺到秋明  
方倚和羹重兼看舉案榮  
詠吟周萬姓上壽列諸生  
身繡扶輪入

京華避輦行

入世功何偉還

朝道愈尊棠陰春正滿  
松節晚彌敦詩挹浮邱伯  
文傳雒誦孫况聯青玉案  
雙進碧霞樽

寄洪獅山先生

束髮交場記昔遊  
驚心卅載比川流  
雄姿顧盼公猶爾  
暮景飛騰我已愁  
悵望杜陵淹日月  
蕭條元晏著春秋



珠亡赤水何人得象罔離朱尙可求

壽大學士太倉王公

紫極三台色黃扉獨坐身婁江源最遠崧嶽氣尤神授  
學韋賢著揚休傳說祝德輝翔鸞鶴風度照麒麟平格  
原天壽謨明屬

帝隣傳家承再相論道覺斯民後進方瞻斗前修正秉鈞紅  
桑移碧海長侍

九重春

壽呂母 故侍御米元配

婺女芒寒月並明長筵初起客稱觥何來瓊液無窮碧

况值金風分外清  
令德宜書中壘傳  
夫君猶記柏臺行  
獨持門教崇先烈  
白簡當年舊有聲

又代壽呂母

寶婺光恒煥  
金萱葉屢榮  
松筠知盛德  
鸞鶴警芳聲  
幾歲離鴻曲  
當年驄馬行  
青天驚月暗  
碧海訝塵生  
雪占經時潔  
珠聯照乘明  
斷機勤不懈  
恤緯教旋成  
再世簪纓接  
千秋歲月更  
徽音傳史冊  
貞壽應昇平  
玉液觥齊勸  
金莖露正清  
惟慚門下士  
匏繫五雲城

丙申冬夜夢得二聯  
意不自解  
戲足成首尾存之  
閒情逝水付年華  
舊事虛無悵有涯  
已分雲中難墮月

偶然春半誤看花  
遠山暮色盤眉際  
小閣朝光耀鬢牙  
肯怪玉堂霜露冷  
溯洄未敢咏蒹葭

壽朱副使

文章門第古難兼  
京兆家聲衆所瞻  
畫戟牙旛勳未遠  
紅桑碧海夢初甜  
九苞威鳳曾誇璟  
一代人龍近數緘  
却望華星南極爛  
漫題長句寫輕縑

壽大學士王公

一德天休合三台  
象緯尊槐陰開世  
第珠樹列華門教  
國文同煥經邦道  
獨論鈞陶方贊化  
鼎位正調元異數  
黃扉在遐齡綠字  
存壽昌南極外光  
氣燭微垣

壽錢封翁八十 給諫蕉山父

耆舊東南盛彭城望更清衣冠猶綺皓經術是韋平江  
山數峯遠天邊一柱擎介年還念祖得姓本錢鏗

壽范封翁

聞說懸弧處居猶廉讓間澄清原有志慷慨竟投閒器  
別鎔金冶輝占蘊玉山鳳池傳世業峻絕未容攀

壽韓丈

昌黎抗師道山斗望何深舊學尊山長高文擬國琛少  
君能抱甕令子早鳴琴旦晚非熊兆

徵書下禁林

丙申十月旣望忽夢與郎梅菴相遇旣寤悵然成三

截句

宿草蕭蕭無見期夢中相見不勝悲心知己隔人間世  
只似西牕夜話詩

流水高山下指遲梓琴何處覓相知芙蓉城濶遮須遠  
風雨時時哭子期

仆馬摧車世路難太行滿眼絕躋攀平生二室遨遊久  
除却嵩高不見山

癸巳傳臚早朝用岑嘉州韻同族兄履如賦兄久困

公車今始成進士

秋盡清風早戒寒無憑宵柝四更寒金花九葉起多士  
燎火千星集百官月影滿天譙鼓斷冰痕匝地凍蒙乾  
一壺城闕同堅坐須信

金門待漏難

童童黃繖犯宵寒隱隱鐘聲夜始闌三載

殊恩聯兩試一聲臚唱動千官金爐雲接煙光重

玉陛風收露氣乾莫漫還丹笑孤進飛騰蓬觀不爲難